

兵

字

解

32874


楊言昌
心 介

中華民國教育部
圖書館

登記號 32874

類別號

MG
H12
10



兵字解

楊言

昌

今人呼兵爲丘八，與稱馮姓爲馬二同，語帶諧謔

無所取義。近閱黃膺白先生所著軍制學講義，爲丘八作

考證，其言曰：「黃帝經田設井，立步制畝，使八丘爲

井，而丘八爲兵之義定。」（見黃著中國軍制之沿革第

一節）蓋因今字字形附會說之，去兵字之本義遠矣。

案兵字據說文繫傳从収持斤，當作彡，故古文从収

干作彡，而籀文作彡。羣經正字曰：「今經典作兵，隸

兵字解

一



3 1762 4748 8

(南)

省，見漢曹全衡方等碑。蓋𠂔字隸變作六，故上承斤，非丘下加入也。據此則丘入之說，不攻自破矣。

籀文𠂔字从𠂔斤，中从一。朱氏通訓定聲謂：「

一疑指爰類，」王氏句讀則謂：「一祇是界畫，

無深義，」釋例謂：「𠂔之籀文𠂔，從一，无意

也，特以一界畫於斤𠂔之間，取飾觀耳，」今人

誤兵爲丘八，疑從此出。

考「丘」字从北从一，隸變作丘，蓋从北省作止，

由止又變作丘也。

古之言兵，非指人，乃指器，即指兵器而言也，

說詳下。

說文彘械也；从井持斤。井力之貌。

補明切

餽古文兵

，从人井干，彘籀文。

井繫傳作𠄎，居竦切，竦手也。

一切經音義卷二引

作拱手也，井竦聲相近，𠄎蓋拱之古文，會意兼指事字也。从𠄎从又，𠄎，左手也；又，右手也。象ナ又兩手

相合之形，兩手共持也。段氏注曰：「按此字謂竦其兩手，以有所奉也。」釋例曰：「井部中字，皆執持之義，則以人有所持，必竦其手而上，不復下垂也。」據此，井収當作兩手執持解。

斤斫木也。小徐本作斫木斧也。段氏依小徐本作斤斫木斧也，注曰：「凡用斫物者，皆曰斧，斫木之斧，則謂之斤，象形，橫者象其斧頭，直者象柄，其下象所斫木，舉欣切。」徐箋曰：「斧斤同物，斤小於斧，」句

讀曰：「斤之刃橫，斧之刃縱，其用與鋤鑿相似，不與刀鋸相似，」釋例曰：「斤之爲器，今無此名，或卽鑕也，字又作鑕，……其刃橫，不似斧刃縮，去木皮木節皆用之，江南木工俱用斧，不知鑕爲何物，故段氏亦不知也。」部首訂曰：『炯案孟子云：「斧斤以時入山林；」又云：「斧斤伐之，」皆連語恆言。其實斧斤異器，斧刃縱向，伐木者用之，其形與刀同；斤刃橫向，斫木者用之，其形與鋤同。』據此，斤之爲物，可得而知。

矣。

𦣻，械也。玉篇引作从斤，斤，兵也，兩手執兵之義自見。段氏注曰：「械者器之總名。」義證謂器卽兵器，曰械也者，本書器之總名，當云兵之總名。太白陰經器械不精，不可言兵；五兵不利，不可舉事。續漢書百官志考工令主作兵，弓弩刀鎧之屬，成則傳執金吾入武庫。」

蓋古之言兵，單指兵器，其後乃轉而指人，卽段氏

注所謂：「器曰兵，用器之人亦曰兵」者，是也。通訓定聲引左昭十四傳：「簡上國之兵，疏，戰必令人執兵，因卽名人爲兵也。」句讀曰：「秦漢以下，始謂執兵之人爲兵，猶古時摸甲之人爲甲也。」義證引顧闈二氏說，言之尤詳：

顧炎武曰：『古之言兵，非今日之兵，謂五兵也；故曰：「天生五材，誰能去兵，」世本：「蚩尤以金作兵：一弓，一殳，三矛，四戈，五戟。」』

周禮司右五兵注引司馬法曰：「弓矢圍，殳矛守
· 戈戟助，」是也。詰爾戎兵，詰此兵也；踴躍
用兵，用此兵也；無以鑄兵，鑄此兵也。秦漢以
下，始謂執兵之人爲兵，如信陵君得選兵八萬，
項羽將諸侯兵三十餘萬，見於太史公之書，而五
經無此語也。」

閻若璩曰：「前輩論曰，古之言兵皆指器，無有
指人言者，余證以四書如足兵，去兵，不以兵車

，棄甲曳兵，兵也，王興甲兵，動天下之兵，兵革非不堅利，不以兵革之利，爲兵饋之，兵甲不多，秦楚構兵，果皆器也。可謂確絕！」

兵字从卅持斤，據以上之研究，其製字之義，可窺知矣。唯中國文字，一字之義，有本訓，有轉訓，非深曉訓詁之學者，不能盡通其解也。茲將經籍纂詁中兵字諸訓，作一便覽，附於左方，以資參考。

「兵」字諸訓便覽

錄自經籍纂詁

訓	詁	所	引	書	籍
兵防也					
兵者守國之備					
兵者爲謀除害也所以全其生衛其養也					
兵陰物也					
兵亦陰也					
凡兵也者威也					
兵災也					
離爲戈兵					

【廣雅釋言】又【淮南兵略注】

【周禮大司馬】中春教振旅注

【白虎通封公侯】

【太元永】陰以武取注

【白虎通瑞費】

【呂覽論威】

【呂覽修樂】反以自兵注

【易說卦傳】

離爲兵	【易困】剝則虞注
金爲兵	【國語晉語】握金之要注
兵凶事	【周禮司常】皆畫其象焉杜注
兵者凶器也	【國語越語】又(淮南道應)又(既苑指武) 又(鹽鐵論論功)(論筴)
兵者國之凶器也	【新序雜事五】
凡兵天下之凶器也	【呂覽論威】
兵者帝王之大器	【後漢公孫述傳】
兵者不祥之器	【老子】
兵刃也	【周書大聚】立小人以教用兵注
兵戟也	【呂覽慎行】令尹好甲兵注

兵謂干戚也

【周禮鼓人】鼓兵舞板舞者注

兵戈戟劍矢也

【呂覽慎大】擧旗鼓甲兵注

五兵矛戟鉞楯弓矢

【穀梁莊二十五年傳】陳五兵注

五兵者戈殳戟酋矛夷矛

【周禮司兵】掌五兵五盾司農注

五方之兵東方其兵矛南方其兵管中
夾其兵劍西方其兵戈北方其兵鉞

【匡謬正俗三】

短兵刀劍也

【文選】吳都賦長殺短兵劉注

兵矢謂枉矢絜矢也

【考工記矢人】兵矢田矢五分注

死寇曰兵

【禮記曲禮下】

戰死曰兵言死爲兵所傷也

【釋名釋喪制】

兵車章路也

【考工記總目】放兵車之輅注又【禮記少儀】
大白兵車注

兵長兵之將帥也

【後漢朱浮傳注】

兵簿軍士之名帳

【後漢吳漢傳注】

「兵」字諸訓便覽補遺

錄自經籍叢話補遺

訓 詁 所 引 書 籍

弄械也从升持斤并力之貌
備古文兵从八并干弄續文

【說文】

兵器也

【漢書霍去病傳】所將士馬兵注

兵器仗之名

【禮記曲禮下疏】

兵五兵也

【荀子大略】借賊兵也注

兵凶器

【漢書鼂錯傳】張湯傳

兵者凶器

【史記平津侯主父列傳】又管子大匡不競於兵注

兵者不祥之器

【管子兵法】故夫兵雖非備道至德也注

兵凶事

【周禮司常】皆畫其象焉注

兵者凶事	【漢書嚴助傳】
兵事者危物也	【管子問】
兵陰類也	【左氏哀九年傳】可以興兵注
古者謂戰器爲兵	【詩擊鼓序】衛州吁因兵暴亂疏
兵者人所執因號人亦曰兵	【詩擊鼓序】衛州吁因兵暴亂疏
戰必令人執兵因卽名人爲兵也	【左氏昭十四年傳】簡上國之兵疏
兵戟也	【左氏昭二十七年傳】取五甲五兵服注
兵弓矢之屬	【國語齊語】寡甲兵注
兵謂弓矢干戈之屬	【詩出其東門序】兵革不息疏
弓矢戈矛戈戟五者皆名爲兵	【左氏昭二十七年傳疏】

兵民之殘也

【左氏襄二十七年傳】

兵者國之爪也

【墨子七患】

參伐爲兵

【禮記月令】小兵時起注

兵車兵戎之車

【詩小戎傳】小戎兵車也疏

非可以兵操切之也釋文一本
兵操作急驟

【詩江漢箋】

本文因印刷上之關係，未刊篆文。又兵字尙有贗義，容他日補足之。

二十五年十月十四日

4386

9
12